



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Institutiones Qvintvplicis Theologiæ - Positivæ videlicet, Asceticæ,
Polemicæ, Speculativæ, & Moralis complectens, Unà cum Appendice
Methodum compendiariam reformationis Ecclesiasticæ à Concilio
Tridentino factæ continente

Lohner, Tobias

Dilingæ, 1679

Cap. V. De Protestate in Capitula.

[urn:nbn:de:hbz:466:1-48233](https://nbn-resolving.org/urn:nbn:de:hbz:466:1-48233)

IV. Aliàs Episcopi comprovinciales ad Metropolitanam Ecclesiam accedere inviti ne compellantur. *ibidem.*

V. Episcopi nulli Archiepiscopo subiecti aliquem vicinum Metropolitanum eligant, cujus Synodo provinciali inter sint, & ibi ordinata observent, salvâ in aliis sua exemptione. *ibidem.*

VI. Synodi quoque Diœcesanae quotannis celebrentur. *ibidem.*

VII. Ad quas etiam exempti, qui cessante exemptione interesse deberent, & Capitulis generalibus non subijciuntur, accedant. *ibidem.* Parochialium tamen aut aliarum Ecclesiarum Sæcularium etiam annexarum, curam gerentes interesse debeant, quicumque illi sint. *ibidem.*

VIII. Metropolitanæ & Episcopi alique in his negligentes Canonum pœnas incurrant. *ibidem.*

CAPUT V.

DE POTESTATE IN CAPITULA.

I. Capitula Cathedralia, illorumque personarum nullis exemptionibus, consuetudinibus, sententiis, juramentis, concordiis, quæ tantum suos obligent Auctores, se tueri possint, quò minus ab Episcopis & aliis maioribus Prælatibus per se ipsos solos, vel illis, quibus videbitur, sibi adjunctis, quoties opus fuerit, visitari & corrigi, etiam Autoritate Apostolica valeant. *Sess. 6. c. 4.*

II. Extra visitationem autem non procedat Episcopus licet coram suo Notario & inconsulto tribunali, nisi de consilio & assensu duorum ex capitulo, quos initio cujuslibet anni capitulum eligat. *Sess. 25. c. 6.* Unum autem sit utriusque votum, possitque alter Episcopo accedere, à quo si ambo discordes fuerint, intra sex dies cum Episcopo tertium eligant, in cujus electione, si etiam discordent, electio sit Episcopi vicinioris & juxta eam partem, cum qua tertius sentiet, res terminetur. *ibidem.* Aliàs processus & inde secuta nulla sint.

III. In criminibus tamen ex incontinentia provenientibus, ut concubinato & atrocioribus delictis, ubi de fuga timeatur, potest solus Episcopus ad summariam informationem & ne

necessariam detentionem procedere ibidem. Servato tamen in reliquis ordine præmisso.

IV. Episcopi ipsi capitulum convocent, vota exquirant, & juxta ea concludant, si aliquid ad suum suorumque commodum non pertinens, Canonici proponant. ibidem.

V. Vicarius absente Episcopo non admittatur, sed ab eis de Capitulo hoc perficiatur, ad quos spectat. ibidem.

VI. Omnes, qui non obtinent dignitates, nec sunt de Capitulo, in causis Ecclesiasticis Episcopo subsunt. Non obstantibus quo ad supradicta privilegiis, consuetudinibus, concordijs, &c. Salvis tamen privilegiis, quæ Universitatibus, earumque personis sunt concessa. ibidem.

VII. Ubi tamen Episcopi aut eorum Vicarii plus juris habent, quàm hic exprimitur, nihil eis derogatur. ibidem.

CAPUT VI.

DE VISITATIONE DIOECESIS.

I. Episcopi diœcesin totam saltem biennio, si quot annis propter ejus latitudinem non possunt, per se vel legitime impediti per alios visitent, sess. 24. c. 3.

II. Metropolitanis verò diœceses & Ecclesias suffraganeorum non visitent, nisi causâ cognitâ & probatâ in Concilio Provinciali. ibidem.

III. Archidiaconi autem, Diaconi, aliique inferiores, ibi, ubi hætenus solebant, deinceps per se ipsos visitent, assumpto Notario de consensu Episcopi, qui Visitatores etiam à Capitulo deputandos, ubi illud visitandi jus habet, approbet, nec prohibeatur, easdem Ecclesias seorsim visitare. ibidem. Idem prædicti, visitationis factæ infra mensem rationem reddant, non obstantibus privilegiis & consuetudinibus. ibidem.

IV. Visitationum præcipuus Scopus sit, orthodoxam doctrinam inducere, mores corrigere, populum ad religionem, pacem, innocentiamque accendere, cætera, pro ut res fertur, ad fidelium fructum constituere. ibidem.

V. Quare Visitatores fraterna caritate, Christianoque zelo, & modesto equitatu, famulatûque visitationem quam celerrimè, debitâ tamen cum diligentia absolvant, ibidem.

Rr 5

VI Pro-